




紫霄宮圖

十九



右紫霄宮圖宮在展旗峯下故紫霄元聖宮
 今名香火殿之西宮前曰三公峯曰五老
 峯宮前之左曰日池右曰七星池宮後之
 左曰月池右曰真一泉東方丈之北曰上
 善池今更曰泉從殿後右轉陟山之椒根
 石壁為龕者為太子巖左為蓬萊第一峯
 巖下為小園亭下而出道院左復北上為
 煉丹巖出道院右復西上為七星巖又上
 為三清巖絕頂不可到其下為柳梅園東



下又轉而南上為福地殿殿兩階下丹井
二北為萬松亭東為賜劍臺相距不數武
左右山斷而復圓起如小兒擎拳之狀者
為大小寶珠峯諸巖水合而東流于右脇
者為金水渠渠廣八九尺北折過宮前抵
小寶珠不得出鑿其項以行為後渠既出
復東趨大寶珠溢于其趾為禹跡池池大
僅一畝池上有亭北有橋舊傳神禹導山
嘗至此故名之為楹大小總八百六十永

樂十一年落成

賜太玄紫霄為額道士廩食者五十人提點二
員嘉靖二十六年

世宗肅皇帝允提督太監王佐奏添置一員共
三員階正六品給印一顆領殿一觀三

福地殿

去本宮南八十步天下七十二福地此
其一也上近三公山下瞰禹跡池前擁

寶珠峯後倚欵火巖

威烈觀

去本宮北二百步中祀威烈王王為唐太

守姚簡也

龍泉觀

去本宮北一十里九渡澗天津橋之上
玉虛巖之北

復真觀

去本宮北一十五里一名太子坡殿階
下有聖母滴淚池

紫霄峯

在大頂東北石作金銀之色竹木交翠
巨虬異蛇盤穴其間

香爐峯

在大頂東北仙關之南浮嵐逸霧千態
萬狀如香煙然故名之

九渡峯

一名仙關在大頂之東石徑彎環白雲
來去游人到此萬慮豁然

展旗峯

在大頂之東紫霄宮負焉千仞如削宛
然皂纛之形上有三清七星煉丹太子

諸巖

太師峯

太傅峯 太保峯

石三峯在大頂之東又曰三公山下

巖曰三公巖

始老峯

真老峯

皇老峯

玄老峯

元老峯

右五峯在大頂東南一名五老峯五峯
列居宛然筆架昔玄帝上昇五老奉詔
啓途駐輦於此下即昇真巖白雲澗其
水循崖飛激由九渡澗而出

太子巖

在本宮後上倚展旗峯下瞰禹跡橋昔
玄帝爲太子時修真於此舊有鉄範聖
像基址尚存

黑虎巖

白龍巖

右二巖一在仙關九渡峯南龍潭之上
一在飛昇臺下龍潭之南

紫霄澗

三公山水自宮南迤北會諸澗入于九
渡澗

黑虎澗

香爐諸峯之水會前紫霄澗自龍潭東
入九渡澗

白雲澗

自五老峯出合九渡澗
會諸澗之水入梅溪澗

九渡澗

黑龍潭

在仙關之上紫霄澗中二石高出下廣

如屋潭深不可測大旱禱之立應

真一泉 在本宮右

紫極壇 在本宮北威烈觀下故址尚存

萬松亭 在福地

太子亭 在太子岩前

禹跡亭 在禹跡池上

淵默亭 在九渡崖下

禹跡池 在禹跡橋南

上善池 在本宮東方丈

禹跡橋 在本宮前

通會橋 在本宮北威烈觀南

黑虎橋 在本宮北黑虎朝南



黑龍橋 在紫極壇北

天津橋 在九渡澗


復真橋 在太子坡北

五龍宮圖

五



右五龍宮圖宮即舊五龍靈應宮故址前列
 金鎖峯左遶磨針澗其宮東向逆折其門
 北向宮門內爲道九曲十八折殿二曰玄
 帝曰啓聖二殿皆合九重前五重爲級八
 十一後四重爲級七十二望之如在天上
 真所謂上帝居也殿前天地池二水從石
 龍口出焉左龍井三右龍井二碑亭二日
 月池二殿之左爲玉像殿殿內藏玉像五
 沉香像一殿右山坎大林下有石碑六一



女界志 卷一 三十一
為崇封真武誥碑一為揭傒斯所撰宮碑
一為揭傒斯所撰瑞應碑二為戒臣下碑
一仆於地湮沒不可辨要皆元時所遺也
宮門左從曲道北折陟左山為柳梅臺下
而折左出大門外為真官堂為雲堂自雲
堂並山西行下小谷澗水出焉即磨針澗
也澗上有老姥祠宮門右從碑亭下南折
陟右山為啓聖臺折而南下則陳希夷誦
經處直下為凌虛巖復從故道折而西上

為自然庵庵內藏

文皇賜李素希青袍一衲襲裏各一呂公綵一
庵前石作小池池上為橋其頂為靈應巖
其外則為長生巖為楹大小總八百五十
永樂十一年落成

賜與聖五龍為額道士廩食者五十人提點二
員階正六品給印一顆領宮一觀一祠一
庵一巖三

五龍行宮 去本宮北三十里茅阜峯下殿後有

茅阜石

仁威觀

去本宮東北二十里香爐峯西

老姥祠

去本宮北百餘步磨針澗傍

自然庵

去本宮西五十步東有煉丹池水中巨石下一穴有龍居焉人常見之按圖記

馬明生陳希夷相繼居此希夷感五氣

龍君授以睡法明生所煉神丹爐灰尚

存

隱仙巖

去本宮北十里竹關之上一名尹仙一

名北巖神仙尹喜尹軌田蓑衣俱隱於此巖右石棋局一橫鋪石上傳云尹軌枰彈之所夜籟澄寂常聞步虛玉磬之聲

靈應巖

去本宮北二百步五龍頂上

凌虛巖

去本宮西南三里許唐孫思邈宋陳希夷俱修煉於此路側有希夷誦經臺

紫蓋峯

在本宮南三十里夜間見仙燈往來相傳神丹壑此隱者劉道人居其下一夕

有童子捧詔召之移時車從畢至其徒
王真士曰天詔下臨當清晨陽光發見
之時今暮夜陰晦而詔之無乃魔靈見
試耶密篆雷符焚之霹靂一聲無所見
平旦視之但有血跡約二里許見巨獸
斃石穴中

松蘿峯

在紫蓋峯西玄帝修真之時常以松蘿
爲衣此峯最盛北有巖曰卧龍巖

桃源峯

在紫蓋峯北西曰桃源洞東即誦經臺

舊有院今廢

伏龍峯

在龍頂峯西下有龍湫

五龍峯

一名五龍頂上應龍變梵度天五峯分
列中有靈池石廟一區曰真源之殿即
五氣龍君神寓之所

靈應峯

在本宮後松杉接翠上凌星斗昔神仙
房長鬚手植是木親遇玄帝于此

隱仙峯

在龍頂北其下隱仙巖前曰竹關即神
宮之第二門也

陽鶴峯

在龍頂西北巨杉數株常有鶴巢其上

眉稜峯

在五龍頂西房陵登山之路

復朝峯

即外朝山也當房陵官道七十二峯俱

拱天柱獨此一山飄然外向

金鎖峯

在展旗峯北傳云玄帝收攝妖魔悉鎖

於下

青羊峯

在金鎖峯北傳云太上嘗駕青牛遊於

此其下曰青羊澗

七星峯

在隱仙巖北竹關之下一逕七里百步

繫馬峯

在接待庵西北登山正路一峯特起即

九折下即五龍接待庵

天馬臺傳云昔玄帝乘白馬立於其上

下有殿曰黑虎大神之祠

會仙峯

在仙木鋪地宋端平中曹觀妙迎三茅

真君於此

茅阜峯

見五龍行宮下

卧龍巖

在松蘿峯東北

尹上苦巖

一名仙巖在展旗峯北昔有文始真人

隱此

沈仙巖 在飛昇臺西昔有沈仙成道于此因名

硃砂巖 見七星峯下

藏雲巖 見金鼎峯下

隱士巖 見隱士峯下

雲母巖 楊仙巖

右二巖俱在五龍宮東二百步昔有花楊先生者居此年百餘歲人訪之即走避曰腥氣觸我不容坐爾後不知所在

仙龜巖 在金鎖峯下石如神龜含烟吐霧

磨針澗 在本宮北一里有石橫澗濱若磨痕傳

云玄帝修煉之久有怠意因步澗下見神女以鐵杵磨之因問曰欲何為曰失姑繡針磨以償之曰詎非容易答曰工夫未到耳玄帝大悟

青羊澗 見青羊峯下

萬虎澗 在大頂北風雷一作如萬虎咆哮其水會於青羊澗

牛漕澗

自尹喜巖西入青羊澗

桃源澗

自紫蓋峯發源東入于青羊澗

黑虎澗

起白龍頂會于白龍潭

陽鶴澗

自陽鶴峯下穿林麓東入于青羊澗

金鎖澗

飛雲澗 瀑布澗

右三澗起于金鎖青羊二峯之左右俱

入青羊澗

會仙澗

在五龍頂北會諸峯之水北出嵩口入

于嵩谷澗

雷澗

自壘字峯雷洞之水南會於五龍澗

五龍澗

由雷澗出西澗會于青羊澗

白龍洞

在竈門峯東洞中時有白炁如龍即大

雨如注

桃源洞

在本宮西南

白龍潭

在磨針澗下瀑布千丈有廟在巖內祈

禱屢應又一處在飛昇臺下潭黑而深

雲氣上昇霖雨立至

仙棋石

見隱仙巖下

起聖臺

在本宮東南按圖經玄帝奉天詔於此
五龍掖之上昇

望仙臺

在本宮東北

誦經臺

見凌虛巖下

朝聖臺

在飛昇臺西

五龍池

在本宮頂

煉丹池

見自然庵下

日池

月池

右二池在本宮天寶壇南廡後二池相

並端平間曹侍德建寶藏於池之南夢

神語之曰此處上應三天下即洞府群

仙神龍居焉若法輪運轉神靈弗安君

將若何覺而語諸同僚夢悉符合于是

設藏殿而不運池濱榜之曰洞天在近

過往低聲中統庚申宣尉孫嗣舉衆內

附兵士詣池洗劍神龍擁脊而出天地

昏暗雷雨大震

五龍井

在本宮大殿前歷代投簡之所

青羊橋 在本宮山下

磨針澗橋 在老姥殿前

聚仙橋 在黑虎澗


隱仙橋 在仁威觀上

普福橋 在仁威觀前

嵩口橋 在五龍行宮前


豐和橋 在嵩口石碑東

玉虛宮圖



右玉虛宮圖宮在展旗峯北遇真故址真仙
張三丰嘗庵於此語人曰此地他日必大
興既而去焉

文皇遍物色之不可得遂大其宮以爲祝釐之
所其中爲大殿大殿之陰曰啓聖殿左曰
元君殿又左曰小觀殿西塢西山下曰仙
衣亭亭後磚室一曰張仙洞室外銅碑一
左爲聖水池宮之前爲左右碑亭厨之後
爲神泉井亭西塢北山下曰望仙樓樓外



雪洞一石渠北曰齋堂石澗西曰浴堂宮
門左曰鉢堂宮門右曰雲堂西塢北曰園
堂鉢堂後亦曰園堂澗之東曰東道院山
之西曰西道院山門外真官祠二前左南
向爲祀真武壇前右北向爲泰山廟宮外
復有東天門西天門北天門八仙臺仙桃
觀華陽亭蓮花池于凡方丈書房賓所厨
堂倉庫爲楹大小總二千二百永樂十一
年落成

賜玄天玉虛爲額道士廩食者百二十八提點
四員階正六品給印一顆領廟一巖二觀
二嘉靖三十一年

世宗肅皇帝遣官修葺本山復建亭二於二門
外以度

御製紀成之碑焉

關王廟

去本宮西十五里崇寧祠故址東有一
泓泉前有飲馬池

太上巖

即太上觀去本宮西二十三里巖東刻

天尊玄帝聖父母聖師北極三聖三茅
九仙真仙神將巖西刻尊羅蕭臺三清
四帝雷尊南北二斗三官五師嶽鎮海
瀆仙靈東西有靈石二泉

玉虛巖

一名俞公巖去本宮西南三十二里九
渡澗之上昔有隱者俞惠哲誦經於此
一老人常往聽之忽一日曰我東溟之
子謫居於是限滿當得還此巖願奉仁
者居之

迴龍觀

去本宮西南五里其山巒蜿蜒有回顧
狀上有井四時不竭

八仙觀

去本宮南二十六里舊傳有八仙過此
因名

蒿谷澗

自梅溪東諸山之水西入于青羊澗會
于溜河

梅溪澗

出為溜河

一泓泉

在關王廟前

益人泉

在迴龍觀上

東靈石泉 西靈石泉

右二泉在太上巖巖高峻無水官德三年于此纂修太和山誌巖東隴石穴下泉忽出已而巖西路傍石根下亦復出泉于是鑿砌成池清冽可食

益人泉亭 在迴龍觀上

一泓泉亭 在關王廟前

神泉亭 在本宮神厨後

飲馬池 在關王廟路西

神泉井 在本宮神厨後

遇真橋 在東天門裏源出九渡澗舊橋水崩嘉

靖壬寅嵐太監王佐新之

仙都橋 在本宮北天門裏

游仙橋 在本宮左

仙源橋 在西天門裏

西天門橋 在本宮西上有華陽亭下有蓮花池

西山橋 在西天門外

北山橋 在北天門外

東山橋 在東天門外

登仙橋 在本宮東天門外南


東萊橋 在東山橋東



遇真宮圖

右遇真宮圖宮在僊關外去玉虛宮八里許
 左曰望仙臺右曰黑虎洞山水環遶若城
 然故舊名黃土城洪武年間張三羊結庵
 於此名曰會仙館宮東廊下厥像存焉永
 樂十五年創建真仙殿山門廊廡東西方
 丈齋堂厨堂道房倉庫浴堂爲楹大小總
 三百九十六是年落成

賜遇真爲額道士廩食者三十人提點二員階
 正六品給印一顆領觀二嘉靖三十一年



世宗肅皇帝遣官修葺本山乃於是宮東二里許入山初道昂建石坊

賜額治世玄岳云

元和觀

去本宮南二里僊關之裏昔玄帝有元和遷校府之名故曰元和

修真觀

去本宮東二里太監王佐重修

鴉鵠嶺

在修真觀東上有泰山廟

集仙橋

元和西橋 元和中橋 元和東橋 右四橋俱在元和觀前

會仙橋

在本宮前

沐浴堂


在修真觀左

成鮮殿

在本宮右

右迎恩宮圖宮在石板灘舊有關王廟蓋鄖
襄官路也灘合山前諸澗之水聚爲一川
雨久則潰潦四出行者病涉永樂年間創
修本山時始建石橋成化二年大水他橋
崩鑿者多而茲橋獨完或者謂玄武實相
之提督太監韋貴乃

奏請治宮於橋南岸以昭神功中爲殿以祀
玄帝殿之左爲堂以祀啓聖祀真官殿之
右爲廟以祀關王外又爲方丈爲書房爲



倉庫之舍爲庖福之所爲道衆之房爲楹
大小總二百八十成化十七年落成乞名
曰迎恩觀十九年改

賜觀爲宮道士廩食者九人提點一員階正六
品給印一顆

迎恩橋 在本宮北券門外

尋真橋 在石板灘西南


絞口橋 在石板灘南一里許

中橋 在石板灘北五里許

冲和西橋 冲和中橋 冲和東橋 春和橋

右四橋俱在蚰蟻峪

右淨樂宮圖宮在均州城中各宮或于山于
 巖于谷獨此宮于市蓋相傳玄帝之先曾
 為淨樂國王淨樂治麋而均為麋地故因
 以名宮焉宮之中為玄帝殿後為聖父母
 殿前左右為廊廡東為紫雲亭西為香錢
 庫三門外左右復創亭二以度
 聖製創修之碑右折而西為方丈為齋堂為浴
 堂為神厨為神庫為道房左折而東為真
 官祠為預備倉二門外左為進貢殿右亦



爲道房爲楹大小總五百二十永樂十六年落成

賜淨樂爲額道士廩食者五十人提點三員階正六品給印一顆

紫雲亭 在本宮內東以玄帝降生于此時有紫雲彌覆故名之

真官祠 在本宮內東

預備倉 在本宮內東嘉靖十九年少監李學奏建香錢餘積者糴穀貯此備賑本山官道

香錢庫 在本宮內西凡錫楮輸於山者悉昇以

入累

朝所賜鐘磬諸器皆藏焉

進貢廠 在本宮二門外歲時取土物以

貢則董其役於此

滄浪亭 在州東門外漢江東即古所謂孺子歌處

觀音閣 在滄浪亭左

龍山 在城南六里均州水口山也

玉皇閣 在龍山上

禹王廟 在玉皇閣後

卧雲亭 在玉皇閣左下

三義廟 在龍山下

三官廟 在備用廠左

土地祠 在州治東

五龍行宮 在州治東南

呂公祠 在州南二里迎恩樓左

龍王廟 在滄浪亭北濟渡處

公用廠 在城南外

備用廠 在公用廠東半里許

神惠倉 在州治西南嘉靖十五年參議方升建

貯穀以備賑佃戶

蓮花池 在州城南一里許

七里橋 在黃沙河

大岳太
和山誌
卷之二
終

大岳太
和山誌
卷之二
終

